



Na osnovu člana 66. Zakona o organizaciji organa uprave u Federacije Bosne i Hercegovine („Službene novine Federacije Bosne i Hercegovine“ broj: 35/05) i člana 34. Zakona o dopunskim pravima branilaca i članova njihovih porodica Unsko-sanskog kantona („Službeni glasnik Unsko-sanskog kantona“ broj: 31/20) ministar Ministarstvo za pitanje boraca i ratnih vojnih invalida Unsko-sanskog kantona, d o n o s i

## P R A V I L N I K

o uslovima, načinu i postupku za oslobođanju od obaveze plaćanja taksa i naknada

### POGLAVLJE I. OSNOVNE ODREDBE

#### Član 1. (Predmet pravilnika)

(1) Ovim Pravilnikom uređuju se uslovi, način i postupak za ostvarivanje prava na oslobođanje od plaćanja troškova taksa i naknada iz člana 32. stav (1) Zakona o dopunskim pravima branilaca i članova njihovih porodica Unsko-sanskog kantona („Službeni glasnik Unsko-sanskog kantona“ broj: 31/20 u daljem tekstu: Zakon) prilikom izgradnje ili legalizacije stambenog objekta površine do 150 m<sup>2</sup> ili stambeno-poslovnog objekta za vlastite potrebe veličine do 250 m<sup>2</sup> ili za kupovinu, izgradnju ili nadogradnju stambene jedinice smještene u objektu kolektivnog stanovanja.

(3) Ovim Pravilnikom uređuju se uslovi, način i postupak za ostvarivanje prava na oslobođanje od plaćanja naknade za priključak na elektrodistributivnu mrežu i plaćanja priključka na vodovodnu mrežu.

#### Član 2. (Korisnici prava)

(1) Korisnici prava po ovom Pravilniku su lica iz člana 2. i 3. Zakona koji su državljeni Bosne i Hercegovine sa prebivalištem na području Unsko-sanskog kantona.

(2) Dijete poginulog, umrlog, nestalog branioca pravo ostvaruju bez obzira na godine života ukoliko je status ostvaren prema važećim federalnim propisima iz oblasti branilačko-invalidske zaštite i ukoliko su državljeni Bosne i Hercegovine sa prebivalištem na području Unsko-sanskog kantona.

(3) Korisnici prava iz stava (1) ovog člana ostvaruju prava iz ovog člana samo ukoliko ih ranije nisu ostvarili po istom osnovu.

## **POGLAVLJE II. NAČIN I UVJETI OSTVARIVANJA PRAVA**

### **Član 3.** (Obim prava)

(1) Korisnici prava iz člana 2.ovog Pravilnika ostvaruju pravo jednom na oslobođanje plaćanja:

a) taksa i naknada za izmirenje obaveza iz člana 32. stav (1) Zakona prilikom izgradnje ili legalizacije stambenog objekta površine do 150 m<sup>2</sup> ili stambeno-poslovnog objekta za vlastite potrebe veličine do 250 m<sup>2</sup>.

b) taksa i naknada za izmirenje obaveza iz člana 32. stav (1) Zakona za kupovinu stambene jedinice smještene u objektu kolektivnog stanovanja.

c) naknade troškova za priključak na elektrodistributivnu mrežu i naknade priključka na vodovodnu mrežu.

(2) Lica iz člana 2. ovog Pravilnika imaju pravo na oslobođanje plaćanja troškova za priključak na elektrodistributivnu mrežu u iznosu visine cijene nadzemnog monofaznog priključka, a za priključak na vodovodnu mrežu imaju pravo na oslobođanje troškova u visini računa za priključak.

(3) Pravo iz člana 3. ovog Pravilnika mogu ostvariti korisnici prava pod uslovom da su prebivalište na području Unsko-sanskog kantona imali na dan 14.12.1995.godine (dan potpisivanja „Općeg okvirnog sporazuma za mir u Bosni i Hercegovini“)

### **Član 4.** (Lica koja ne mogu ostvariti prava iz ovog Pravilnika)

Pravo iz člana 3. ovog Pravilnika ne mogu ostvariti lica iz člana 47. Zakona o dopunskim pravima braničaca i njihovih članova porodica.

### **Član 5.** (Obaveznik plaćanja naknade)

(1) Ministarstvo za pitanje boraca i ratnih vojnih invalida Unsko-sanskog kantona ( u daljem tekstu. Ministarstvo) snosi obavezu plaćanja takse i naknade iz člana 3. ovog Pravilnika, a prema planiranim budžetskim sredstvima i hronologiji podnijetih zahtjeva.

(2) Ukoliko grad/općina svojom odlukom predviđa mogućnost subvencioniranja odnosno oslobođanja plaćanja taksa i naknada iz člana 3. ovog Pravilnika, srazmjerno će se smanjiti obaveze Ministarstva za snošenje ovih troškova.

### **Član 6.** (Obezbjedjenje sredstava)

Finansiranje prava utvrđenog ovim Pravilnikom za svaku budžetsku godinu obezbjeđuje se do visine sredstava planiranih za ove namjene u Budžetu kantona.

### **POGLAVLJE III. POSTUPAK ZA OSTVARIVANJE PRAVA**

#### **Član 7.**

(Postupak za ostvarivanje prava)

(1) Po zahtjevu stranke za ostvarivanje prava iz ovog Pravilnika u skladu sa Zakonom rješava Odjeljenje za boračko-invalidsku zaštitu u prvostepenom postupku prema mjestu prebivališta podnosioca zahtjeva.

(2) U drugostepenom postupku po žalbi rješava ministar Ministarstva.

#### **Član 8.**

(Potrebna dokumentacija)

(1) Uz zahtjev za oslobođanje plaćanja taksa i naknada po ovom Pravilniku potrebno je dostaviti:

- a) prijava mjesta prebivališta - CIPS,
- b) rješenje o utvrđivanju visine troškova izdato od nadležne gradske/općinske službe,
- c) uvjerenje nadležne službe lokalne zajednice koja izdaje građevinsku dozvolu da podnositelj zahtjeva nije ranije oslobođan od strane lokalne zajednice za iste svrhe.

(2) Uz zahtjev za oslobođanje plaćanja priključka na vodovodnu i elektrodistributivnu mrežu po ovom Pravilniku potrebno je dostaviti:

- a) prijava mjesta prebivališta - CIPS,
- b) urbanistička saglasnost ili lokacijska informacija ili građevinska dozvola ili neki drugi dokument nadležne gradske/općinske službe kojim se dokazuje da podnositelj zahtjeva traži priključak na stambeni objekat.

### **POGLAVLJE IV. PRELAZNE I ZAVRŠNE ODREDBE**

#### **Član 9.**

(Ranije ostvarena prava)

Lica koja su po ranijem važećem propisu iz oblasti boračko-invalidske zaštite ili po drugom propisu ostvarili pravo iz člana 3. ovog Pravilnika to pravo ne mogu ostvariti i po ovom Pravilniku.

#### **Član 10.**

Postupci započeti po propisima koji su važili do stupanja na snagu Zakona, a nisu okončani pravosnažnim rješenjem, okončati će se po odredbama ovog Pravilnika.

#### **Član 11.**

Pravo iz člana 3. ovog Pravilnika lica iz člana 2. i 3. Zakona mogu ostvariti samo jedan put.

Član 12.  
(Refundacija naknade)

- (1) Lica iz člana 2. i 3. Zakona koja su prije stupanja na snagu ovog Pravilnika izmirili troškove iz člana 3. ovog Pravilnika nemaju pravo na ostvarivanje prava na refundacije plaćenog iznosa od strane Ministarstva.
- (2) Grad/općina koji je do dana stupanja na snagu Zakona donio rješenje o oslobođanju lica iz člana 2. i 3. Zakona taksa i naknada iz ovog pravilnika nemaju pravo na refundaciju sredstava od strane Ministarstva.

Član 13.  
(Stupanje na snagu)

Ovoja Pravilnik stupa na snagu danom donošenja i objavit će se u „Službenom glasniku Unsko-sanskog kantona“.

Broj: 12-02-6848-1/21  
Bihać, 15-06-2021

